

Script of Evening Gojri News Bulletin 22 Sep 2025

at 1700 Hrs

ایویننگ گو جری نیوز بلیٹن مو رخہ 22 ستمبر 2025

یوہ آکاشوانی جموں بے غلام سرور تے محمد اشفاق تیں خبر سُنو پہلاں خاص خاص خبر۔

*1. وزیر اعلیٰ عمر عبداللہ نے سیلاب غے بعد بحالی تے امدادی اقدامات غی صورتحال غو جائزو لیو، تے حُکام نانہہ نقصان غو تیز رفتاری سنگ جائزو لین غی ہدایت جاری کی۔

*2. جموں کشمیر پولیس غی کرائم برانچ نے جموں مانہہ نواں فوجداری قوانین ور 3 روزہ میگا نمائش غو انعقاد کیو۔

*3. قومی صحت مشن جموں کشمیر نے عارضی ملازمین بارے 5 فیصد انکری منٹ غو اعلان کیو ہے۔

*4. نوراتری غا پہلا دن ور شری ماتا ویشنو دیوی غا مقام ور قریب 10 ہزار توں متا یاتریاں نے متھو ٹیکو۔

*5. تے جموں کشمیر غا سیلاب توں متاثرہ علاقاں مانہہ پانی توں پیدا ہون آلی بیماریاں غی روک تھام بارے 15 روزہ مہم اختتام پزیر ہوئی۔

خبراں غی تفصیل نال پہلاں محمد اشفاق۔

CM Post Flood

وزیر اعلیٰ عمر عبداللہ نے جموں کشمیر مانہہ سیلاب غے بعد بحالی تے امدادی اقدامات غی صورتحال غو جائزو لین خاطر اج اک اعلیٰ سطحی میٹنگ غی صدارت کی۔ اجلاس سنگ خطاب کرتاں واں جناب عمر عبداللہ نے متعلقہ محکماں نانہہ ہدایت جاری کیں جے وے نقصان غو تخمینو لا غے متاثرہ لوکاں مانہہ امداد غی بر وقت تقسیم کا ری نانہہ یقینی بناویں۔ اس بارے بولتاں واں انہاں نے کہیو جے جموں کشمیر اندر متعلقہ رابطہ تے سڑک رستاں نانہہ بحال کرلیو گیو ہے، تے انہاں نے حُکام نانہہ ہدایت جاری کی جے وے بقیہ بند سڑکاں نانہہ جلد توں جلد کھولن غی کوشش کریں تا نجے عام عوام نانہہ سفر مانہہ آسانی ہو سکے۔

Exhibition Criminal Laws

وزارت داخلہ غی ہدایت ور عمل کرتاں واں بھارتی حکومت غے زیر تحت کرائم برانچ جموں غی اقتصادی جرائم ونگ نے اج گلشن گرانوڈ جموں مانہ نواں فوجداری قوانین ور اج 3 روزہ میگا نمائش غو انعقاد کیو ہے۔ واضع رہ جے ایس ایس پی بینام توش اس عظیم الشان نمائش غا نوڈل آفسر نامزد کیا گیا ہیں، اُن غو کہنو تھو جے اس قسم غی نمائش پہلی دفعہ جموں مانہ منعقد کرائی جا رہی ہے، جس غی نگرانی ڈی جی پی جموں کشمیر نلین پربھات تے آئی جی پی کرائم برانچ سنجیت سنگھ کریں گا۔ اس موقع ور بولتاں واں ڈی جی پی نلین پربھات نے اس طرح کہیو۔۔ بانٹ۔۔

NHM

قومی صحت مشن (این ایچ ایم) نے تمام عارضی ملازماں غی تنخواہاں مانہ 5 فیصد اضافہ غو حکم جاری کیو ہے۔ آکاشوانی جموں گا نامہ نگار نے اطلاع دتی ہے کہ جموں کشمیر غا قومی صحت مشن غا ڈائریکٹر غا جاری کردہ حکم غے مطابق دسیو گیو ہے کہ متعلقہ حکم غو اطلاق مالی سال 26/2025 غا ریاستی، صوبائی، ضلع تے بلاک سطح ور پروگرام غے تحت کم کرن آلا تمام ملازمین شامل ہیں اس تیں علاوہ این یو ایچ ایم تے بیماریاں ور قابو پان آلا پروگرام وی شامل ہیں۔ تاہم اس طرح انکری منٹ غو اطلاق سروس غی تکمیل غی ٹائم لائن غے مطابق وے گو۔ یوہ فیصلو صحت تے خاندانی بہبود غی وزارت غے ذریعے جموں کشمیر واسطے این ایچ ایم ایس پی آئی پی 26/2025 غی منظوری تے اس تیں بعد ریاستی صحت سوسائٹی غے ذریعے بجٹ شیٹ غی منظوری تیں بعد کیو گیو ہے۔

Seva Parv

ملک پھر مانہ چلائی جا رہی سیوا پرومہم غے تحت ہم تمناں دساں جے کس طرح مودی حکومت سمارٹ سیٹی مشن غے ذریعے شہری مقامات مانہ نویں شکل دے گی۔ شہری زندگی مانہ معیاری بنا رہی ہے۔ واضع رہ جے سمارٹ سیٹی مشن بھارت غا شہری منظر نامہ مانہ نویں شکل دے رہیو ہے تے خواہشات مانہ حقیقت مانہ بدل رہیو ہے۔ یاد رہ جے وزیر اعظم نریندر مودی غی طرفوں 2015 مانہ اس مشن غو آغاز کیو گیو تھو تے گذریا بہراں مانہ مشن غے پیش نظر نمایاں تبدیلی دیکھی گئی ہے۔ قابل ذکر ہے جے 8 ہزار توں زائد منصوباں وچوں قریب 94 فیصد منصوبہ مکمل کر لیا گیا ہیں۔ اس بارے بولتاں واں وزیر اعظم نریندر مودی نے اس طرح کہیو۔۔ بانٹ۔۔

NGO Rehabilitation

این جی او نرملا گنجن فائونڈیشن نے بھارتی فوج سنگ رل غے راجوری پونچھ مانہ اپریشن سینڈور غے دوران متاثر ہوا قریب 117 گنباں مانہ 42 لکھ روپیاں غی امداد تقسیم کی ہے۔ واضع رہ جے نرملا گنجن فائونڈیشن نے مشہور اداکار نانا پاٹیکر غی قیادت مانہ دیگر کارکنان غے ہمراہ اج راجوری غو دورو کیو، اس موقع ور ضلع ترقیات کمشنر راجوری ابھیشیک شرما تے جی او سی 25 ڈویژن راجوری میجر جنرل کوشک مکھرجی وی موجود تھا۔ میڈیا سنگ خطاب کرتاں واں اداکار نانا پاٹیکر نے اس طرح کہیو۔۔ بانٹ۔۔

مزید خبراں نال غلام سرور ور اُس تیں پہلاں یوہ پیغام۔(یہ خبر تم آکاشوانی جموں تیں سن رہیا ہیں، تے یہ خبر مہاری ویب سائٹ نیوز آن آنیر ڈاٹ گوو ڈاٹ ان ور وی دستیاب (ہیں، اس تیں یہ خبر مہاری موبائل ایپ تے ڈی ٹی ایچ ور وی دستیاب ہیں)

SMVD Navratri

نوراتری تہوار غا آغاز تیں ہی ترکوٹہ پہاڑیاں ور واقع شری ماتا ویشنو دیوی جی غی مقدس غار مانہ عقیدت منداں غو مچ رش دیکھیو گیو۔ اس سلسلہ مانہ اج 10 ہزار تیں متا یا تریاں نے درشن کیا ہیں۔ شرانین بورڈ تے ضلع انتظامیہ غی طرفوں اک ہموار تے آرام، دہ یا ترا ناہہ یقینی بنان بارے وسیع انتظامات کیا گیا ہیں۔ یا ترا غا رستہ مانہ اہم مقامات ور خصوصی ہیلپ ڈیسک تے رضاکاراں ناہہ تعینات کیو گیو ہے، تانجے عقیدت منداں خاص طور ور کالسریاں، بچاں تے بزرگاں غی مدد کی جا سکے، تاہم اس طرح اک خاتون نے اپنی خوشی غو اظہار کرتاں واں اس طرح کہیو۔ بانٹ۔

Campaign

جموں کشمیر مانہ سیلاب تے پسی پین تیں متاثرہ علاقاں مانہ پانی تیں پیدا ہون آلی بیماریاں غی روک تھام تے پانی غا معیار غی جانچ ناہہ تیز کرن بارے 15 روزہ اک جامع مہم اج اختتام پزیر ہوئی۔ یاہ مہم 4 ستمبر 2025 تیں شروع کی گئی تھی، تانجے مرکزی زیر انتظام علاقہ غا اضلاع مانہ تباہ کن سیلاب تیں بعد پانی تیں پیدا ہون آلی بیماریاں ناہہ پھیلن تیں روکیو جا سکے۔ یاہ مہم پانی غی فراہمی غا بنیادی ڈھانچہ ناہہ بحال کرن تے شہریاں غی خدمات غی فراہمی ناہہ بہتر بنان مانہ جل جیون مشن جل شکتی محکمہ جموں کشمیر غا عزم غی عکاسی کرے۔

GST Reforms

نواں جی ایس ٹی سلیب اج توں لاگو ہو گیو ہے، جس مانہ 12 فیصد تے 28 فیصد غا ٹیکس سلیب ناہہ ختم کر غے صرف 5 فیصد تے 18 فیصد سلیب ناہہ برقرار رکھیو گیو ہے۔ واضح رہے جے یہ دوئے سلیب بن تمام اشیائ تے سروس غو احاطو کریں گا ور ان مانہ مہنگی مصنوعات تے دیگر عیش پرستی غا سازو سامان غو احاطو نہیں کیو جا ئے گا۔ اس نواں جی ایس ٹی نظام غا نفاذ توں بعد ملک بن آتم نربہر بھارت غی طرف تیزی سنگ قدم چاہ رہیو ہے۔ قابل ذکر ہے جے نواں اس ٹیکس نظام توں بعد بکھ بکھ شعباں توں تعلق رکھن آلا افراد نے اس قدم ناہہ سہراتاں واں کہیو ہے جے اس سنگ عام زندگیاں مانہ نویں تبدیلی آوے گی تے روز مرہ غی کئیں سازو سامان سستا ہو جا نیں گا۔ اس بارے بولتاں واں اک مقامی شخص نے اس طرح کہیو۔ بانٹ۔

Prog Announcement

آکاشوانی جموں غو علاقائی خبراں آلو شعبو اگلی نسل غی جی ایس ٹی اصلاحات غا موضوع ور 15 منٹ غو اک خصوصی مباحثہ پروگرام منعقد کرے گا۔ یاہ گل بات 18 فیصد تے 40 فیصد جی ایس ٹی سلیب تے 28 فیصد جی ایس ٹی سلیب ناہہ ختم کرن

ور مبنی وے گی۔ یاہ خصوصی نشریات بروز منگل 23 ستمبر 2025 نانہ سویرے 8 بج
غے 45 منٹ ور نشر کی جائے گی۔ اس خصوصی نشریات مانہ مہاری مہمان وین گی
محترمہ نمرتا ڈوگرہ ایڈیشنل کمشنر محکمہ ریاستی محصولات جموں کشمیر۔ اس پروگرام
غا موضوع ور اپنی بصیرت تے ماہرانہ خیالات سانجا کریں گی۔ پروگرام غی میزبانی مہا
رائوز اینکرو جے بجاج کریں غا۔ یوہ پروگرام تم آکاشوانی جموں توں میڈیم ویو 303
میٹر یعنی 990 کلو میٹر تے ایف ایم 100.3 میگا ہرٹز ور سن سکین گا۔

اس غے نال ہی خبراں غو یوہ بلیٹن ختم ہوؤ۔